

պէս, թէ «մեր տանը մի հիւր ունենք»: Ի սէր Աստուծոյ, եթէ ինձ սիրում ես, շուտով մտիր սենեակդ և մի դուրս գայ այն տեղից, մինչև որ անհրաւ թուրքերը չհեռանան մեր բակից:

Այն աստիճան յուզուած ու զայրացած էի այդ վայրկեանին, որ չգիտէի՝ լսել մօրս ստրկական խրատները, թէ՞ ցոյց տալ ամբարտաւան և յանդուգն թուրքերին, որ մենք չենք ապրում թիւրքիայում, այլ՝ կովկասում և այն էլ հզօր Ռուսիայի իշխանութեան տակ: Չեռքս հաստ ու ծանրը մի փայտ առած, կամաց-կամաց քայլերս ուղղեցի դէպի թուրքերը և շեշտելով հարցրի նրանց.—Ի՞նչ էք ուզում: Ձիաւոր թուրքերից մէկը կմկմալով ասաց ինձ.—Այս ընտանիքի մէջ ընկուզէ փայտից շինուած ծալովի սեղանն է ուզում մեր տէր Նրէկը:—Փողն ուղարկել է:—Մուսոււման (միւսուլման) բէկն ինչո՞ւ պիտի փող տայ մի որևէ «գեաւուրին»: Գեաւուր նախատական խօսքից յետոյ, այլ ևս չկարողացայ զսպել իմ զայրութիս և ձեռքիս փայտը բարձրացնելով, սկսեցի սպառնանքով թափահարել նրանց վրայ:—Հիմա ձեզ բոլորիդ էլ ես կտոր-կտոր կանեմ, —ասացի բարկացած. մի՞թէ պարտաւոր է քրիստոնեայ ժողովուրդը ձրի կերակրել ամեն մի պատահող գողերին ու սոված գայլերին: Ի՞նչպէս է ձեր անունն ու ազգը: Թուղթ ու մատիտ հանեցի գրպանիցս, որ գրեմ և յայտնեմ, ուր հարկըն է: Բայց պոռոտախօս և վախկոտ թուրքերը մտրակեցին իրենց ձիերին և մի ակնթարթում անյայտացան մեր տան մօտից: Մայրս զարմա-